



RIGGJONI AUTÒNUMA DI SالدIGNA
REGIONE AUTÒNOMA DE SالدIGNA
REGIONE AUTONOMA DELLA SARDEGNA



Citai di
Tarrano



La folza di la
Linga

ISTITUTO CHIRCAS

Lu contu di La Pupusedda Lalla e la Codilucia



Pruggjettu "**La folza di la Linga**"

Finanziatu da la Riggjoni Autònuma di Sالدigna cu' lu Bandu TuLiS

L.R. 22/18 e L.R. 6/12 - annualitai 2025-2027



LALLA
LA PUPUSEDDE

V'era una 'olta, in mezu a
muccji di **chessa**
e fiori di **muccju**,
una **pupusedda** chi si
cjamaa **Lalla**.



Lalla era abbeddu cuntenta
palchì la mamma l'aia fattu
un vistiri umbè pomposu,
ruju briddenti e luminosu
tacculinatu di nieddu.

«**Figgjuleti cantu socu bedda!**»
dicia a tutti, «**Eu poltu fultuna
e alligria a tutticanti!**»



Lalla dugna matinata s'innandaa
in gjiro **bulendi da un fiori a l'altu**,
e una dì intuppesi un **babbauzzu**
chi era suttu a l'ombra di una **rosa**.





Videndila, Lalla li dummandesi:

**«E tu ca sei? Comu ti cjami?
Palchè sei 'istuta cussì e
no ai un vistiri beddu e
coloratu com'e lu meu?»**



Lu babbauzzu rispundisi
a Lalla cun gintilesa:



**«In Gadduresu mi cjamani Codilucia,
a di dì no mi 'ïcu, socu timurosa e
un pocu sculurita!»**



LA CODILUCIA



Lalla si la figgjulesi curiosa e li disi:

**«Beh, si a di dì sei cuata suttu a li
fiori e nisciunu ti 'idi, a cosa selvi?
Eu invece socu 'ista da tutticanti
e poltu fultuna e alligria!»**

La Codilucia no s'ammuscesi
e li rispundisi cun un surrisu:

**«Ambara e figgjula, l'amichi si 'idini
a lu momentu di lu bisognu!»**

Ma Lalla a lu cumenciu
no cumprindisi...



LA PROA . . .

A sirintina, lu cielu innant'a
la Gaddura cambiesi culori,
divintendi **nieddu nieddu**.

Li **neuli** carraggjesini lu **solu**
e una **fumaccia fitta fitta**
falesi a vaddi.

Lalla, chi si n'era turrendi
a casa, si paldisi.





Li so' culori cussì vii no
silviani a nudda a lu buggju.
Lalla era timendi e
cumincesi a pignì:
**«Voddu turrà a casa, ma
no vicu lu caminu!»** dicia...



Candu paria chi no v'era più
nudda di fà, in mezu a la
fumaccia vidisi un puntinu
luminosu, chi andaggjìa da una
palti a l'alta, parìa un lampu
d'oru chi baddaa ill'aria.
Era propriu la Codilucia!

A di notti, chissu
babbauzzu chi parìa no silvì
a nudda a di dì, s'era
trasfulmatu in una stella
luminosa cascata in Tarra!
«**Ponimi fattu, Lalla!**»
li disi.





Pal meritu di la so' luci
magica, la **Codilucia**
accompagnesi **Lalla** sana
e salva finz'a casa soja,
chi s'agattaa sott'a unu
di li monti di la Gaddura.

LA MORALI . . .

Candu la fumaccia si n'andesi,
Lalla s'abbraccesi la so' amica
noa. Aia cumpresu una cosa
umbè impulanti:

NO À IMPULTANZIA DI COM'E
LU 'ISTIRI DI FORA, LU 'MPULTANTI
È CHISSU CHI AEMU INDRENTU E
CHI PUDEMU DUNÀ A L'ALTI !



La Pupusedda è bedda a di dì e polta fultuna,
ma **la Codilucia**, chi a di dì no si 'idi,
diventa una guida priziosa cand'arrea lu buggju!





SEMU TUTTI DIFFARENTI, MA SILVIMU TUTTICANTI !

Da chissa dî, Lalla e la Codilucia ambaresini sempri insembi:
una coloraa lu soli e l'alta illuminaa la luna.



Lu contu di La Pupusedda Lalla e la Codilucia



RIGGJONI AUTÒNUMA DI SالدIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA



Citai di
Tarranoa



Pruggjettu "**La folza di la Linga**"

Finanziatu da la Riggjoni Autònuma di Sالدigna cu' lu Bandu TuLiS
L.R. 22/18 e L.R. 6/12 - annualitai 2025-2027